

Komisija za zaštitu javnog zdravlja, sanitarnu zaštitu i zaštitu stanovništva SKS
Goran Akšamija, predsjednik komisije

Sarajevo, 31.01.2018. godine

SKUPŠTINA KANTONA SARAJEVO

PREDMET: INICIJATIVA ZA 37. RADNU SJEDNICU SKS

VLADA KANTONA SARAJEVO – MINISTARSTVO ZDRAVSTVA

Na osnovu člana 106. Poslovnika SKS, Komisija za zaštitu javnog zdravlja, sanitarnu zaštitu i zaštitu stanovništva na 22. Sjednici komisije održanoj dana 18.12.2017. godine, u punom sastavu, jednoglasno je donijela odluku za podnošenje:

INICIJATIVA ZA HITNO POKRETANJE PROMOTIVNE DJELATNOSTI O ZNAČAJU IMUNIZACIJE/VAKCINACIJE DJECE PROTIV ZARAZNIH BOLESTI

Obrazloženje:

Obzirom da je u KS, kao i drugim kantonima FBiH, došlo do drastičnog pada pokrivenosti imunizacijom/vakcinacijom djece, postoji realan rizik od nastanka epidemija zaraznih bolesti protiv kojih ih vakcinišemo. U Programu obavezne imunizacije, koji je regulisan Zakonom o zdravstvenoj zaštiti stanovništva („Službene novine FBiH“, br 29/05), te Pravilnikom o načinu sprovođenja obavezne imunizacije i Naredbom o obaveznoj imunizaciji, vakcinacija se provodi protiv slijedećih zaraznih bolesti: tuberkuloza, hepatitis B, difterija, tetanus, veliki kašalj, dječija paraliza, bolesti koje izaziva Haemophilus influenzae, Morbilli (krzamak), rubeola i zaušnjaci.

Vakcinacija je jedno od najvećih dostignuća 20.- og vijeka i jedna od najefikasnijih i najdostupnijih mjera za očuvanje zdravlja stanovništva, jer čini ljude imunim na bolesti izazvane virusima i bakterijama. Provođenjem Programa obavezne imunizacije kroz generacije djece, počevši od najranijeg uzrasta, postiže se ne samo zaštita pojedinca, nego i kolektivni imunitet koji štiti populaciju, posebno najosjetljivijih grupa kao što su djeca i trudnice, od epidemija zaraznih bolesti. Funkcionalna, na temelju naučnih dokaza, kolektivna imunost je postignuta ako je pokrivenost populacije vakcinacijom 95% i više.

U 2016.- oj god. pokrivenost vakcinacijom iznosi od 47,4% do 55,8% prema pojedinim tipovima vakcine, a posebnu zabrinutost izaziva loša pokrivenost sa vakcinom MRP (morbilli, rubeola, zaušnjaci). U toku 2017.god., takođe je prisutan trend pada pokrivenosti imunizacijom djece uzrasta 1- 6 god.

Ovakva situacija izaziva veliku zabrinutost medicinske i naučne javnosti, obzirom na prijetnju širenja zaraznih bolesti, koje su veoma opasne, izazivajući brojne komplikacije i potencijalno smrtne ishode.

Neophodno je mobilizirati sve snage, kako bi poboljšali komunikaciju sa stanovništvom, prvenstveno roditeljima, o važnosti imunizacije, i dati podršku Akcionom planu za imunizaciju koji je u fazi izrade.

U tom smislu, pozivamo sve delegate, predstavnike vlasti, institucije i organizacije u nadležnosti KS, da daju podršku imunizacijskom programu zagovaranjem, ličnim primjerima, svim oblicima komunikacije sa stanovništvom o važnosti imunizacije, te da se sa ovog mjesta pošalje jasna poruka građanima, da vakcinacija kao zaštita od zaraznih bolesti, nema alternativu.

Potrebna je što hitnija reakcija Ministarstva zdravstva KS u cilju pokretanja programa promotivne djelatnosti preko predškolskih i školskih obrazovnih ustanova, lokalnih zajednica, organizovanja Javnih tribina, medijskih kampanja i podjele promotivnih materijala.

Predsjednik komisije

Goran Akšamija